


514



3 2 1 0
9 8 7 6 5 4 3 2 1 0
30 20 10 1 0

口 條

1 / 10

月日	配書目數	附書目數	受取書目數
10日	7	31	2
7日	1	2	1
4日	1	1	0
1日	1	1	0

卷之二

自序不復行陰陽又曰世十七世爲子大

嘗居民間更救人之難濟人之急救人之患

處行陰陽上格名爲人能如我有心天以物以

是而終人也

古公含秋人與明而之門皆其人高

折五枝一枝救蟻中成元之遼埋地草中則之

福則須心地行財財之方懷一个種種之陰陽不

大德事也

植公太行道人

卷之二

文昌帝君勸行陰陽文。曰。吾一十七世爲士大夫。身未
嘗虐民。酷吏救人之難。濟人之急。憫人之孤。容人之過。
行陰陽。上格蒼穹。人能如我。存心天必錫汝以福。於
是詠於人曰。昔于公治獄。大興驅馬之門。竇氏濟人。高
折五枝之桂。救蟻中狀元之蟲。埋蛇臥宰相之蟲。欲
福田。須憑心地。行時時之方。不種穢之陰功利。與
人修善。不作。正直。代天行德。無祥。有正氣。

陰陽文



義。貧大是。義答四恩。義行三教。忠報君王。孝順父母。相好兄弟。信交朋友。或奉真經。半或拜佛。念經談道。義而化奸頑。講經史。而曉愚昧。濟急。如濟涸辙之魚。救危姪。救窮絶之雀。矜孤恤寡。敬老憐貧。舉善薦賢。饒人責已。猶衣食周道路之饑寒。施棺槥免屍骸之暴露。造漏屋之仁園。興啟蒙之義塾。家富提携親戚。歲饑振濟隣朋。斗秤須要公平。不可輕出重入。奴僕侍之寬恕。豈宜備責。苦求印造經文。剏修寺院。捨藥材以拯疾苦。施茶湯。

以解渴煩。點夜燈以照人行。造河船以濟人渡。或買物而放生。或持齋戒殺。舉步常看蟲蟻。禁火莫燒。山林勿登山而網禽鳥。勿臨水而毒魚蝦。勿宰耕牛。勿棄字紙。勿謀人之財產。勿妬人之技能。勿淫人之女妻。勿唆人之爭訟。勿壞人之名利。勿破人之婚姻。勿因私讐使人兄弟不和。勿因小利使人父子不睦。勿倚權勢而辱善良。勿恃富豪而欺窮困。依本分而致謙恭。守規矩而遵法度。諸和宗族。解釋冤怨。善人則親近之。助德行於

身心惡人則遠避之。杜災變於肩腎常須捨惡揚善不可口。是心非常記有益之語。因談非禮之言。剪礙道荆榛除當途之瓦石修數百年崎嶇之路造千萬人來往之橋垂訓以格人非捐貲以成人美在事須循天理出言要順人心見先哲於羹牆慎獨知於衾影諸惡莫自已。遠報則在兒孫百福驛臻千祥雲集豈不從陰嚙中得來者哉。

九天開化主宰文昌司祿元皇梓潼帝君陰陽文

丁文策固庵父

錢塘沈九如初山父全輯

檇李徐 檉魯一父

陳師錫升庵父

同弟陳觀銓子年父全訂

男陳 漢天一父

疏九天者天有九疊東西南北中及東北西北東南西南爲九天總一天也道業訓人謂之教躬行於上風動於下謂之化曰開化主宰者垂教者也文昌六星六曰司祿主賞功士在北斗魁前如筐形一曰重璧一曰紫極元大也皇尊也

蜀清虛觀碑。帝生於唐時。張氏謙亞越中哲人。後徙蜀。卽梓潼居焉。其人俊雅灑落。其文明麗浩蕩。爲蜀中宗師有功。文教已發解。隨第春宮。帝感時事。託爲方外遊。蜀中人慕之。構祠清虛觀。題曰梓潼君祠。祠成。遠近禱之。輒應。咸曰。天有文昌帝。信其人矣。洪範曰。惟天陰陽下民。言天於冥冥之中。默有以安定乎。民天理不外。人事人事。當然。卽天理自然。帝生平。陰行善。多隱德。能剖示其垂之爲訓。欲以己所行善。使天下同歸一善。卽所爲陰陽也。陰陽文者。舉全篇而言。證宋眉山蘇公仲奉。陰陽文行善時。蜀饑荒捐三千畝。濟活。

人無算。生子洵。洵常游玉局觀。得帝君像。每且虔禱。四年生子軾。又二年生轍。

本朝國學錢桂徵。患火症。每作字。數行頭目俱痛。立願手書陰陽文三百篇。方舉筆。病不復作。

會稽錢志遠。母王氏。自幼崇信神佛。順治十八年冬。病危。時年八十一。志遠虔禱。帝君許印。陰陽文萬張。不數日。母愈。兵部主事馮標。康熙二年五月。內傷寒病。危姪弘道泣禱。帝君願施。陰陽文萬張。是夜夢帝君拊其背曰。汝病即愈。覺時疾良已。

涿州刑書沈鹿鳴奉官差上京適妻病危篤鹿鳴詣帝君前誓改前非○許施陰鴟文萬張夜夢家童至言王母已故卽奔回而妻復無恙驚問之妻云昨見值日功曹云汝夫已經正有善願我得復生

宛平謝紹銓年四十乏嗣順治己亥冬發心刊施陰鴟文萬張先其妻病弱屢孕不育至是痊與妾各生一子生子後復又刊施紙多破損不及揀去有友往平谷縣作幕付文二百張到縣普勸是夜夢帝君從幕出取陰鴟文揀去其破損者謝遂驚覺

吳江王載字咸平康熙丙辰年八月長子孫晃忽遘危疾憶前刊布陰鴟文歷有奇驗遂發心虔禱願刊施三千張以丐一命歸而孫晃昏眩立止

會稽范啟運病黃五載漸至飲食不進虔誠叩祝願施陰鴟文萬張禱畢自覺神爽病黃亦差

康熙庚寅四月吳門署戒堂三餘堂刊刻陰鴟文詳註甫成適吳江金楚客有幼子忽患痧疹勢甚危因發願印施疏方焚不藥而愈

姑蘇胡旭來生平不信因果於康熙庚申六月偶見陰鴟文

攜歸讀之不覺惕然悔悟至於悲涕遂立願印施三千本冀消罪孽至辛酉春正所施甫及千餘部一日偶染微疾謂家人曰頃假寐見文昌宮紫衣數人迎我偕去未幾趺坐口持元皇寶號瞑目而逝

錢塘諸生劉翰暮年舉一子四歲時滯下幾至不救心甚彷徨念此非醫藥所可痊治聞帝君陰陽文甚靈驗許判印三千張是日有客云小兒飲湯藥過多藥石爲病惟資生一味爲佳如言服之其子遂愈

文昌帝君勸行陰陽文云

疏文昌六星爲天下圖書之秘府帝君廣行陰陽與天心合上帝俾主文章世人因肖梓橦君象通祠學宮遂尊爲文昌帝君獎勉曰勸感動其歡心亦曰勸

證本朝吳門彭公定求字凝祉康熙壬子領鄉薦甲寅中秋日帝君降乩其家有訓文三篇示之定求敬梓行世丙辰會試會狀聯元帝君去今幾千年猶不忘獎勸如此明王文恪公鏊奉帝訓至虔成化乙未會試帝君現身闈中是科鏊中會元

吾一十七世爲士大夫身

疏三十年爲一世此以人生去來爲一世言人未有知去來者帝君廣行陰隲德盛而神故歷歷能舉示之學以居位曰

士大夫爲士大夫身所謂以宰官身設教也

證徐應秋云平子後身爲中郎武侯後身爲韋臯鄒陽十三世爲蘇軾張車騎後身爲張睢陽李德裕後身爲趙鼎才名功業頗足相當然未嘗能自言前身

顧况暮年有子非熊忽暴亡况哀憇爲詩曰老人喪愛子日暮淚成血老人年七十不作多時別非熊冥間聞之以告冥

官冥官憫之令再生況家一歲能言道冥間聞苦吟事後况猶見其登第

唐圓澤居慧林與洛京守子李源爲友約往峩眉師欲行糾谷道源欲泝峽師不可源強之舟次見婦人錦襠負甕汲水師見曰吾始不欲行此道者爲是也彼孕我已三年今見之不可逃矣三日浴兒時願公臨門我以一笑爲信十二年後錢塘天竺寺外當與公相見言訖而化婦旣乳兒源往視之果笑如期至天竺當中秋月下聞葛洪井畔有牧兒扣角而歌曰三生石上舊精魂賞月吟風不用論慚愧情人遠相訪

此身雖異性常存源知是師趣前曰澤公健否兒曰李公真信士也我與君殊途切勿相近惟以勤修勉之又歌曰身前身後事茫茫欲話因緣恐斷腸吳越山川尋已遍却回烟棹上瞿塘遂去莫知所之澤公亦是身異性存故能言兩世事未嘗虐民酷吏

疏苛甚曰虐慘甚曰酷不必皆骯法撓治也凡不當罪而罪皆是虐不當刑而刑皆是酷帝君亦安有酷虐之事特反言以啟下廣行陰隲見存心當如是耳

證漢劉寬字文饒性度寬仁桓帝時守南陽吏人有過蒲鞭

示辱嘉平中拜大尉後封遠鄉侯

明唐際盛杭郡守陞本省督糧有端硯乃舊巖石色深紫硯手而潤叩之清越生平寶之公暇命吏移觀吏階下悞失足碎之跪俟責唐徐曰汝豈有意邪慰之去

救人之難

疏凡災荒兵燹險阻憂危俱謂之難而忠臣孝子義不反顧者不與焉或救以言語或救以財力帝君則能使人必脫於難

證明江西舒翁館湖廣二年中途泊舟登岸見婦人哭甚哀

問之曰。夫負官銀將鬻妾以償。妾去兒失哺必死。是以悲耳。問負幾何。曰。十三兩有奇。翁還舟出。一年束修盡。與之抵家。饑甚。語婦以故。婦曰。家正無米。作炊。遂攜筐往採苦菜。和根煮爛。同殼一飽。既就寢。廳外呼曰。今宵食苦菜。明年產狀元。公曰。此神人告我也。夫婦同起向天拜謝。次年生子芬。后果狀元及第。

衢州范元之素貧。勵志讀書。盛夏偶浴水邊。得金一袋。歸謂其子曰。人以財爲命。萬一彼失此者致死。將奈何。翼旦。父子攜金於岸待之。果一婦悲號而至。詰其故。夫坐獄當死。易田

得金。至此失去兩命不保矣。元之取袋還之。是年其室產靈芝數莖。後父子登第。歷十二世皆爲郡守。

濟人之急

疏安危出於須臾。生死爭於俄頃。日急。疾病急。湯藥死喪急。殯葬饑餓急。飲食必使得所。曰。濟。

證高郵張百戶以公事之淮安。公竣始得還。適望一舟浮沉。波上有火。踞舟背號呼求救。張呼漁舟往援之。不肯出白金十兩。與之乃行。救至則其子也。因候父而來。遭風被溺耳。正德間。太倉海嘯。居民漂沒無算。少定。一人操竿水次。適見

女子浮水而來手扶一筈將抵岸其人利其筈遂沉此女已發筈視之乃所聘妻也庚帖宛然悔無及矣夫救人而適救其子殺人而竟殺其妻善惡之報驗於頃刻一念之間天道不爽如此哉

憫人之孤

疏幼而無父曰孤不特此也凡窮困流離無所依託與無父同遇之尤當憐恤

證齊攻魯至郊見婦人擣一子抱一子衆逐之乃棄抱者與擣者奔逐得之問擣者誰曰兄之子棄者誰曰已子也軍至

妻不能兩全故棄所生而擣兄子齊軍曰子之於母甚痛於心何忍棄乎曰吾夫尚存可退生育吾兄已死止此一綫存之以延宗祀齊軍曰魯之婦人猶持節行其可伐乎撤軍而返已子亦全魯君聞之賜束帛號曰義姑

宋查龍圖道家甚貧常聚親族之惄獨者養之祿賜所得隨施輒盡與人交情分切至廢棄孤露者待之尤厚嘗有一同僚女貧爲人婢公聞而贖之嫁於士族

容人之過

疏同一愆也有心則爲惡無心則爲過君子不能無過而能

補過。若面折人過，其人憲不能改，反遂過自私矣。惟容之便之一，一旦省悟，則益人更多。自此以上四語，帝君一十七世之中，所行實多難以指數。以故下接云廣行陰隲。

證漢張安世爲光祿勳郎，有因醉溺浴盆殿上者。安世曰：何以知其非翻水漿耶？其覆掩人過如此。

宋韓魏公琦爲相時，每見有攻人隱惡文字，必手自封記，不使人見。

明羅狀元父諱循，會試寓京，失去一扇，同舍生不自安，訪得之，給循，訪其人比至舉，禡示循，循卽趕出。語生曰：吾失禡顯著，亦不必使人知，故曰陰隲。

廣行陰隲。

初無損，彼得惡名，尚可爲士乎？生始謝服。

疏此承上文而言，觸類旁通，不一而足。故曰：廣與太上積德，累功，句同，第德與功自顯著者，言陰隲以陰行善，言不必皆顯著，亦不必使人知，故曰陰隲。

證永明壽禪師日行善事一百八件，後有蘇州僧每日到墻下禮拜，人問其故，答曰：我因病至陰司，以命未盡，放還見殿側懸畫像，問君殷懃頂禮，問其吏曰：此杭州永明壽禪師也。禪師道高德重，竟生西方極樂世界王，伸杖無由，故懸此圖。

其爲冥府所重如此

楊旬任菱州推司，積累陰功，效周旋行太上感應篇十種，利益後其子楊椿奪魁。天下人謂皆旬積德行善之報。

上格蒼穹

疏蒼穹天也。蒼言色，穹言形。帝君一十七世爲士大夫，身其感格穹蒼已非一日。特言行善未有不感格上帝以啟人信心。

元自是恨繆君負德，礪刃往殺之。軒轅翁有道士也。見其前有數十鬼手執劍戟，勢甚凶惡。少頃回則有金冠玉佩士手

擎幡蓋隨之。翁問曰：「晨子何往？」自寔言繆之負德，早將殺之。至其門，思彼有妻子老母在，遂隱忍而歸。翁賀曰：「子有厚祿。」神明已知之。

明吏部尚書王公華初館某家，夜分有婢持書一條來侍寢，曰：「欲求人間子。」王判後曰：「恐驚天上人。」拒之去。是年華發解第二。明年元旦有人見天榜發狀元旗上大書前二語，華果廷對第一。子守仁以討宸濠功贈新建伯。

人能如我存心

疏同此人卽同此心。上言廣行陰隲，是帝君自己存心。此欲

人常存此心是勸人當廣行陰隲

證立興吳順山無子有李生獻種子方曰今方歲荒殆天假公以會也乃列數事一貧民錢糧兩數以下代納二輕犯追贓贖罪者代完三各城門設粥廠四族屬姻黨貧者不時餽遺五村落窮民親自給粟六置藥療疫七掩骼八造橋九置義庄十助學田吳公欣然行之後連舉三子此又富貴所當效法者也大約力到處行好事力未到處常存好心勿務名勿誦難勿始勤終怠

天必報汝以福

疏人心卽是天心前言上格蒼穹是上天錫帝君福此言必錫汝福是帝君欲人皆上格

證劉安世疏劾章惇貶竄嶺外諺言春循梅新與死爲隣高寶雷化說著便怕凡此八州者公歷其七年謂必死公未嘗一日病時有一貳郎揣知惇意求殺公爲效惇卽擢爲本路運判其人飛騎將至去公所僅二十里至夜半忽聞運判暴死天必錫福此一端也

於是訓於人曰

疏上是帝君以陰隲獲福之實此以下方是訓人所謂現身

說法也。帝天垂訓謂之訓。帝王誥戒天下以示懲勸亦謂之訓。

梓橦帝君說救劫寶章訓曰：每家各宜書寫一帙，日夕瞻視，依此六章修行，然後誦。

玉帝聖號及感應篇行之二年，萬罪消滅。行之四年，百福皆集。行之七年，子孫賢明榮登科第。行之十年，壽命延長。行之十五年，萬事如意。行之二十年，子孫卿相。行之三十年，注名仙籍。行之四十年，天神恭敬，名列仙班。不依此六章，加意修行，或作或壞。今日行，明日廢。人事既乖，心田日暗，雖口誦經而

其心不悟，是爲瀆。

天罪不容赦，咄哉！一違吾言，斷不容恕。

昔于公治獄，大興駟馬之門。

證

漢于定國之父爲漢東海獄吏。東海有孝婦，寡居，力養其姑。姑恐妨其嫁，自縊死。姑女誣告婦以迫死其母，婦不能辨。

于公爭之，亦不得。孝婦死，東海三年不雨。後太守來，公言其故，虔祭孝婦之墓。時卽雨。于公凡所平決，皆不言枉，嗣值閭門毀壞，衆父老謀治之。曰：「公治獄未嘗冤。」子孫當必有興者。於是衆人因高大其門闈。令後日堪容駟馬，至其子定國果。

爲丞相封平西侯其孫永侶爲御史大夫是于公存孝仁恕之報

漢梁統乞增重法律上不從夢神告曰陰府已錄爾過爾欲以刑法毒人將來使爾子孫皆被刑法其子松竦死於非命至莫滅族

竇氏濟入高折五枝之桂

證燕山竇禹鈞年三十無子夢祖父謂之曰汝無子而且少壽短早勤修禹鈞素長者由是益力於善每歲量其所入除伏臘供給外餘皆以濟人凡親族閭里有喪不能舉出錢葬

之貧不能嫁娶出錢助之故舊相識遇有貧困無不周急賴公存活者不可勝數又元夕往延慶燒香得遺金二錠銀三十兩明日詣寺等候失物者還之後又建造書院聚書數千百卷延文行之士爲師凡孤寒志學者聽其均來厚以廩餼以此由公門顯貴者甚衆而其子五人見聞廣益忽一晚又夢祖父告之曰汝功德浩大天曹注名延壽二紀官至諫議大夫致仕五子俱登科甲儀禮部尚書儀禮部侍郎侃左補闕侍參知政事僖起居郎公年八十有一談笑而終八孫皆貴顯是燕山廣行陰隲之報

常熟瞿嗣興陰行德。壇工王氏大雪凍餓不起。嗣興憫之。攜錢二十緡潛投牕隙而去。歲歉有棄人來。糴米受其錢五千。佯忘曰。汝十千邪。倍與之粟。凡貧乏者必多償其直。家人怪問之。嗣興曰。彼胼胝手足。求升合利吾忍與較邪。後子孫累世榮顯。

救蟻中狀元之選

證宋章獻皇后時。宋郊。宋祁兄弟同在太學。有僧相其貌。曰小宋當魁天下。大宋亦不脫甲科。後數年。大宋遇僧於塗。僧大驚曰。公之丰神開爽似僧。活數百萬生命者。然郊笑曰。貧

儒何力及此。僧曰。逍遙之物皆關性命。大宋良久曰。旬日前堂下有蟻穴爲暴雨所浸。吾戲編竹橋以渡之。如此而已。僧曰是矣。及唱第。小宋果中魁。選章獻皇后問孰爲兄。孰爲弟。曰祁弟也。郊兄也。章獻謂弟不可先兄。因取宋郊爲狀元。果如僧言。此宋郊存心之報。

桓謙字敬祖。太元中忽有人長寸餘被鏹。持柳。緣機登灶。尋飲食之所。或有竊肉者。以刺。竟入穴。蔣山道士以沸湯澆所入處。寂不復出。有斛許大蟻死穴中。謙後以門釁族滅。埋蛇享宰相之榮。

疏楚相孫叔敖爲兒時，塗過兩頭蛇。敖恐，留害後見之人。乃殺而埋之。及歸，憂而不食。母問其故，放泣對曰：「聞見兩頭蛇者必死。」向曾見之，被害。兒殺而埋之矣。母曰：「蛇今安在？」答曰：「兒恐後人見之，被害。」兒殺而埋之矣。母曰：「汝無憂汝不惟不死，且有後祿。」吾聞有陰德必有善報。德集百祥，仁除百殃。蓋天高聽卑。汝必興於楚。及長，莊王舉爲令尹。令尹卽宰相也。此孫叔敖存心之報。四句乃行陰陽，上格蒼穹之實。特舉此以例其餘。

證方孝孺先世欲葬父，已擇日，夢朱衣人前跪曰：「吾九族居

欲廣福田，須憑心地。」

疏仁以耕之，義以耨之，便得福田。以仁存心，以禮存心，纔見心地。積善要廣存心，全在自己。倚靠他人，不得。故曰：「憑福田。」本自己心地上見積善，得百分福。自有百分得萬分福。自有萬分，若不憑心地，安得福田？」欲曰：「憑最爲喫緊。」

證陽雍伯篤孝，葬父無終山。山高無水，作義渠於坂頭。有一

人就飲飲訖，出石子一升，與之云：可以種玉。玉生其中，且得婦。雍伯求徐氏女，女戲云：得白璧一雙來，當爲婚。雍伯至，所種石中，得五雙，以聘遂娶焉。其地名曰玉田。

建州人林達，里中有墳地一區，風水最吉。達因僞造文契，稱其父未死時，曾將此地售我。遂以己父骸骨遷葬於中里人爭之，不得葬。畢，林達夢其父曰：福田在心，不在墳土。安有僞券欺入奪彼所葬而享福利者？今將絕祀矣！未幾，達與其子俱病死。

行時時之方便，作種種之陰功。

疏 一動口、一举步，有利於人的都是方便，都是陰功。時時是歇手，不得種種，是指數不盡。見着便做，省得便行，不止於存心實要，人鞠躬盡力，故曰行，曰作。

證 漢陽明經熊士章，好施與，遇貧老殘病，必周濟之。久之，徧聞公好善，源源而來，必使極志去。值里中不戒火，延千餘家，時值歲暮，公念此被灾者，乃計口出薪米給之。是日千金爲之頓盡，其積德行方便，作陰功如此。壽八十有九，無疾而終。子鳴盛，萬曆辛酉經魁。孫伯龍，順治己丑鼎甲翰林學士。曾孫正笏，康熙戊午鄉薦三世榮顯，甲於江楚。

吳郡陸孝廉在新順治乙酉夏至虎丘見一幼兒啼哭問年九歲韓姓任維揚因渡江爲潰兵散失陸卽裹糧至京口徧覓韓氏還之又一年自館歸忽有女婢泣奔舟中欲相隨陸拒不納婢欲赴水急訪其母家還之并告其主速擇良配康熙丙午赴金陵塗中得遺金特留旅店候失者還之乃去是科闈中閱至陸卷忽現金書三還兩字王司異之遂中式行方便作陰功豈偶然哉

利物利人修善修福

疏此帝君欲人常存此心常行此事利物利人是意不在已

修善修福是功不屬人須連上文看實實利物利人便是修善實實修善便是修福

證鎮江守葛繁日行善事歷四十年未嘗少懈有問之繁曰吾無他術因指坐間踏子曰如此物置之不正則蹙人足若爲正之若人渴與之杯水皆利人事也自卿相至乞兒盡可以行惟期久長不怠乃有益利耳

嘉興濮院鎮諸生姓濮名鑿力行陰隲文無不猛勇見鎮中船隻人日夜撒溺河水中心甚侗惻因置木排瓦籠勸人不可觸犯水神感動神君遂登丙午鄉榜

正直代天行化慈祥爲國救民

疏大公曰正無私曰直惻隱曰慈善氣迎人曰祥皆天理人情出於自然少加計較安排便不正直不慈祥代天行化譬之栽培煦育使之物物得所爲國救民使之免於饑寒出於水火遠於盜賊家家樂業人人安居

證宋司馬溫公居洛正直自持風俗一變人皆敦尚名教皆知自足後生小子咸識廉耻欲行一事必相戒曰毋爲不善

恐爲司馬相公所知

明景泰中徐淮大饑死者相枕藉上命王竑爲撫竑至曲盡

救荒諸術河南山東流民猝至竑不及奏聞卽大發廣運官儲賑之近者設粥遠者給米流徙被鬻者贖還死者爲義塚葬埋疏入上大喜曰好個都御史不然餓死我百姓矣

存平等心擴寬大量

疏人同此心不差毫厘謂之平等故但曰存勺合升斗斛量有不同故必須擴乃量亦本從心見卽此心擴而克之引佛觸類直到仁聖地位方云寬大

證漢薛包與諸弟分財各居田廬取其荒頹者曰吾少時所存意所懲也僕婢取其老僕者曰我與共事久若不能令也

器物取其朽敗者曰吾素所服食身口所安也自受不堪讓
美好與諸弟後生三子皆顯達

丙吉代魏相爲丞相尚寬大馭吏嗜酒數逋蕩從吉出醉嘔
丞相車西曹主吏白欲斥之吉曰以醉飽之失去士使此人
復何所客西曹弟恐之此不過汙丞相車茵耳馭吏習知邊
塞事遽歸見吉白狀吉善其言詔召丞相問以齒所入而吉
見謂憂邊思職馭吏力也吉乃歎曰士亡不可容向使丞相
不先聞吏言何見勞勉之有

報答四恩廣行三教

疏父母生我天地帝王師長成我總謂之恩故曰四恩佛言
苦空道言修煉儒言禮法三教本是一理報答天地無瞞昧
心報答父母無違倍心報答帝王無偷惰心報答師長無慢
忽心廣行儒教使綱常不墜廣行釋教使法界清淨廣行道
教使真炁常存原是並行不悖二句又爲下八句提綱
天謚清獻

呂公誨爲御史中丞正色直言傾動朝野一日獨坐見青衣

授以一丹曰此清涼丹也上帝南遊炎州命子糾正羣仙彼處太熱先以此賜公再拜吞之未幾果捐館時朱明復在湘江見公跨玉角鹿前後呵擁迎揖曰公其已仙乎答曰吾此行侍帝南游不爲欵曲遂不見可見三教一理

忠敬君上孝順父母

疏臣盡忠子盡孝本天理自然不忠不孝則禽獸不若矣顧盡忠之禮不必致之以敬盡孝之理亦不必先之以順有敬以行忠可以得君心順以行孝可以得父母心庶不使君父陷於不義方是報答四恩

證明宰相李賢以父喪奪情起復入閣視事修撰羅倫上章請許李賢終制歷陳古今起復之非反覆數千言辭甚切直倫復詣賢私第告以不可賢怒力辭內批謫倫爲福建市舶提舉御史陳選等交章乞留之謂倫所言天理人情所不容已誠爲天下大計遠慮乞宥倫以開言路編修尹值引文彥博待唐介故事請賢留倫賢曰潞公市恩歸怨朝廷吾豈可爲此倫雖遭貶而士論益榮之及賢歿倫復舊職先是大臣遭父母喪多奪情起復自倫疏後大臣無不終三年喪皆倫力也人咸稱爲忠孝狀元

劉理順，甲戌狀元及第。末年聞賊破京師，端皇帝崩。公從客衣冠自縗，青衣帶曰成仁，取義孔孟所傳文信踐之。吾何不然。既忝科名，豈肯苟全。三忠祠內不愧前賢。公嘗讀書二忠祠內，祠在中州會館之左。公既歿，賊黨羅拜有泣下者。

本朝錢塘徐公旭齡號敬庵父某館穀於石齋黃先生、興革之際，爲兵所害。黃棄葬之，既道路少通，敬庵不避險阻，徒步無間，竟至其處。夢父語曰：汝欲種吾骸，須問茅十七覺而訪之。果有其人引至墓所，見枯骨累疊，敬庵因呼號滴血方得父骸，負之以歸。過漁舟，登舟遭風覆溺，親入水中撈拔，始得歸。

里安葬，敬庵辛卯登鄉薦。乙未捷，南宮爲名御史，總漕清諸弊政，發於官幾，無以殲。

彌勒佛偈曰：堂上有佛，二尊懊惱世人，不識不用金彩粧成。非是旃檀雕刻，卽今現在雙親，就是釋迦彌勒。若能供養得他，何用別求功德。

和好兄弟信交朋友。

疏詩曰：兄弟既翕，和樂且耽。是和又曰式，相好矣，無相猶矣。是好試想獨立之人，全無計較商量。何等孤特，有兄弟可不和好，况兄弟和好卽父母亦順。至於朋友既已稱交，即是異

姓兄弟出入同車與登堂拜父母少有不信漸遠漸疎故和好是兄弟的緊要事信是朋友的緊要事

證漢姜肱字伯淮家世名族與弟仲海季江俱以孝行著聞友愛天至兄弟共被而寢不入房室以慰母心法昭禪師偈云同氣連枝各自榮些言語莫傷情一回相見一回老能得幾時爲弟兄

史記管仲字夷吾穎上人少時與鮑叔牙游叔善待之仲曰吾始困時嘗與鮑叔賈分財利多自與鮑叔不以我爲貪知我貧也生我者父母知我者鮑子也

唐韓文公謨柳子厚墓誌今夫平居里巷相慕悅酒食游戲相徵逐詬詬強笑語以相取下握手出肺肝相視指天日涕泣誓生死不相負真若可信一旦臨小利害僅如毫髮比反看若不相識落穿不引手救反擠之而又下石焉者皆是也此空禽獸夷狄所不忍爲而其人自視以爲得計聞子厚之風亦可少愧矣

或奉真朝斗或拜佛念經

疏真者道家上相仙真也斗卽感應篇所云三台北斗神君在人頭上錄人罪惡者也奉真如存神養形導引辟穀服日

月芒激元和精皆是朝拜比斗可以辟灾除患祛病增年佛爲西方聖人又曰法王經卽釋迦牟尼所說也奉真朝拜佛念經不卽是善是福然妄念不生力行不輟修善修福不外於是

證唐僧一行玄宗敬禮之有王姥兒犯罪求救一行密選奴二人授以布囊曰汝潛伺之當有物入來其數七可盡掩之至酉果有七豕至奴悉獲而歸一行置囊中封以朱題梵字玄宗召問曰太史奏昨夜北斗不見是何祥也一行請大赦玄宗從之其夕北斗一星見凡七日而復王姥兒遇赦得免

明徐武公奉主最誠後以罪下獄日誦斗母呪至延鞠時忽風雷大作水高三尺承天門災錦衣堂上有物如豕蹲者七年英宗懼輒朝徐得減戍

釋迦牟尼佛在世教化四十九年天帝人鬼並來聽法有十大弟子得道者以百千億萬數

杜祁公不信佛法每對客輒嘲笑張文定爲佞佛醫人朱姓者出入二公門常欲方便勸導祁公久而未獲一日公病召朱朱以誦楞嚴未了不卽往既至公怒曰楞嚴爲何等書耶吾但知有孔孟而已朱出袖中首軸呈之公覽訖畢索餘軸

不覺遽盡十卷乃大笑曰果奇書也公自此大加淡信
本朝鄧縣史狀元太成號立庵其封翁素積善未生立庵時
常奉一巨盃盛飯供佛有某寺僧法號大成誓願化飯供衆
其桶淺時必至史家盛滿回寺如是有年一日忽見僧大成
入戶索之不得遂生立庵卽名大成生而持齋順治乙未登
第

談道義而化奸頑講經史而曉愚昧
疏奸頑屬有才邊愚昧屬無知邊奸能恃才壞道頑恃才不服
教說到道義上光明正大沒處躲閃雖倔強無益漸漸自

化愚無知而偏執昧無知而少斷博採聖經賢傳反覆辨論
好惡是非廣譬曲諭不覺開曉此等關係陰隲最大
證漢陳寔爲太丘長夜有盜入室伏梁上寔陰覺起呼子孫訓之曰夫人不善未必本惡習以成性遂至於此梁上君子是也盜投地歸罪寔譬之宜免已反善遺絹二疋自是一縣無盜

王烈字彥方以義行稱鄉里有盜牛者主得之盜日刑戮是甘乞不使王彥方知烈聞遺布一端以激之曰耻惡則善生後有遺劍於路者有一人守之乃昔盜牛人也

有入問道於羅近溪先生。適童子捧茶至。先生指之曰。此。茶。童子却是道也。衆皆默然。一友率爾言曰。此小童也能戒慎。恐懼耶。先生問曰。茶房到此。有幾層廳事。衆曰。三層。先生嘆曰。好造化。過了許多門檻階級。幸不打破一箇鍾子。其人方畧省悟。曰。小童于此果也似解戒懼。奈他却是日用不知。先生又言曰。他若不知如何會得捧茶。捧茶又會戒懼。其友語塞。先生徐爲解。曰。汝輩只曉得說知而不曉得知。有兩樣童子。日用捧茶是一個知此則不慮而知知屬之天也。覺得是知能捧茶。又是一個知此則以慮而知知屬之人也。人能。

以覺悟之察而妙合不慮之良方。是睿以通微。神明不測。端平元年召張處講月令至孟秋決獄反覆數百言復陳月令二十二卷以進陞國子祭酒諸生望之肅如也。

濟急如濟涸轍之魚救危如救密羅之雀。疏魚得水則活鳥得脫則生涸轍之魚安從得水密羅之雀安從得脫比人之顛沛流離存亡死生只在俄頃一般假水致生破網使脫豈不是無量功德。

證宋范文正公知邠州偶與僚屬載酒登樓南舉觴見林間衰絰者往來數四狀極急遽倉皇遣人問之則一流寓官暴

卒棺斂不及故也。公爲罷宴，厚周卹之。
張彥明善醫，貧者不受錢，或反周之。富者以錢求藥，必多與。
之人有延請者，必速隨往，不計近遠。嘗雪夜赴人延請，家人
止之。張曰：「病人輾轉牀榻，可緩須臾乎？」一夕城中火，周廻燒
盡其居，獨存後子孫俱貴顯。

羅文毅倫擣僕赴試，適旅遺一寶環，其僕拾之，行數程方告
羅。羅大驚曰：「此物必童婢失遺，主人拷訊當必致死，可亟返
之。」僕曰：「試期已迫，待歸詢還。」羅曰：「寧不及試毋令人死於非
命？」復至其家，果婢傾盆水失去。王母笞婢數下，欲死，婦又爲夫
命。復至其家，果婢傾盆水失去。王母笞婢數下，欲死，婦又爲夫

所迫，將投繯。一門如沸，公出寶環與之，全活二命。再抵京，已
二月四日，倉皇畢試事，是年狀元及第。

朱承逸爲本州孔目，過駱駝橋下，哭聲甚哀。使僕視之，有男
子攜妻孥將并命于此。蓋負勢家三百千，倍息督責，不能償
也。朱惻然諭止，且護之歸。正值悍僕詬索於門，朱曰：「以三百
千，故而溺死一家四口，可乎？」示吾原券，吾當代償母錢橋下。
人感泣，請爲奴婢，不允。仍資以一百千。是年生孫股肱，後並

登科。

矜孤恤寡，敬老憐貧。

疏孤寡老貧作一例看孤多不知世法寡多堅忍老多徑遂
貧多疑僻皆自處失意惟恐人欺凌侮慢他少不如意動輒
發憤另具一種性情我只是矜恤敬憐所全實大

證吉水灘周傑占其孤姪地基造樓二間姪不敢爭惟焚香
訴天弘治二年五月十八日忽大風雷移其樓於他處空還
舊地不差尺寸傑跪基上不能言者七日始曰吾已知欺孤
之罪矣不一年竟惡疾死

方城輩固以機械治生其隣周氏家富一旦男子相繼疫死
止餘一老嫗并十歲孫固置酒延嫗謂曰汝年已老挾此美

產殊非善計盍以產售我我爲爾息俟汝孫長產仍歸汝嫗
喜從計固因盡室徙居之未一年冠犯唐州輩氏家口盡殺
其處無一得免寇退周嫗復得舊業

原穀有祖年老父母厭其苛察命穀作一輿送祖至別室穀
泣諫不聽隨收輿歸父曰爾焉用此曰留此以待父老耳父
感悟卽迎祖歸養卒成孝子

唐王播未遇時客揚州木蘭院僧厭苦之乃飯後擊鐘播來
則後時矣乃畱詩曰上堂已了各西東慚愧闇黎飯後鐘後
一二紀來鎮此邦向題字已碧紗罩少捕續云二十年來塵拂

面如今始得碧紗籠

舉善薦賢饒人責已

疏舉善是不沒人之善薦賢是不蔽人之賢居鄉使善聞於鄉居朝使賢爲國用薄責於人曰饒人克己自治曰責已此真是利物利人修善修福

證春秋祁奚請老晉侯問嗣稱解狐其讐也又問曰午也可午奚子也君子曰能舉善也稱其讐不爲詣立其子不爲比唐武后問狄仁傑曰朕欲得一佳士用之誰可者仁傑曰張柬之雖老宰相才也又常薦侍郎姚崇御史桓彥範州刺史

敬暉或謂仁傑曰天下桃李盡在公門仁傑曰薦賢爲國非爲私也

漢曹參爲相國舍後園近吏舍日夜飲呼從吏患之引參游園幸相國召按之乃反取酒張坐飲亦歌呼相應見人細過專掩匿蓋覆

唐婁師德有雅量犯而不較其弟刺代州師德曰榮寵過盛人嫉之何以自免弟曰人唾面拭之而已師德曰人唾汝怒也拭之逆其意不拭自乾笑而受之可也

措衣食周道路之饑寒施棺槨免戶骸之暴露

疏此卽上文濟急救危之實事舉一二以例其餘也。證馮琢菴之父隆冬晨出途遇人倒卧雪中捄之已及半僵遂解綿衣衣之扶歸力爲救甦是夜夢神告曰汝救一人命出自誠心當令韓琦爲汝子及生琢菴因名琦三十大培點相位。

莆田林氏先世有老母常作米圓施人有道者每旦索食六七老母與之終三年不倦道者因謂之曰吾食汝三年米圓無以報府後有地葬之子孫官爵得至升麻其後子依其所指葬父及母自此累代簪纓。

明進士李若愚施棺數十年其孫昌祚中崇禎壬午鄉榜順治辛卯昌祚命數吏執簡請會及登堂與朱衣官行禮畢見丹墀跪數百人皆大言曰我等俱受令祖施棺厚德福報無窮昌祚壬辰進士官至大理寺卿。

晉殷仲堪見流棺葬焉旬日門前溝忽起爲岸其夕有人自稱徐伯元云感君之惠無以報也水有岸爲州君將爲州矣已果臨荊州。

造漏澤之仁園興啟蒙之義塾

疏漏澤園卽義塚也名始於宋所以塚無主骸骨義塾義學

也古有之使鄉里童蒙無力受讀者就焉一是掩骼一是訓我童蒙皆盛德事

證本朝李之芳號鄴園山左人總制兩浙時八閩耿精忠叛逆據仙霞關衢屬邑江山竟陷賊中李移鎮衢州凡經數戰精忠窮而投誠事定李檄收掩暴骨自郊野及戰場處所共瘞枯骸四百一十四具議建義塚十二以誌之後入爲吏部尚書拜武英殿大學士

江山令佟國琪字玉行下車特設義學訪名師楷範其鄉子弟凡講肄游息庖湢修膳並捐俸從事童子吟唔之聲徹於閭巷乙丑學院王檄行義學十一州倉卒厝注未有顯緒而江邑成童多已採芹食餼學成爲師矣然則鼓舞興教豈不以人哉

家富提攜親戚歲饑賑濟隣朋疏家富由積德來富而復積德不但守富更當有大吉祥况親戚本三黨中人隣朋亦非在五倫外若不提攜賑濟於心何忍提攜是成全好事賑濟是周急目前證宋范文正公旣貴買良田數百頃收貲以賑親戚之貧困者謂子弟曰祖宗積德多年始發於我若我獨享富貴不恤

宗族他日何以見先人於地下公子諱純仁克紹厥志俸祿所入盡廣義庄

饒州富民段廿八積粟數十倉值歲大饑欲索高價官遣吏借賑許諾次早見饑民集候悔而不發衆方喧噪呼衆家人閉門拒之忽天雨晦冥雷火大作焚其所貯罄盡段亦震死

斗秤須要公平不可輕出重入

疏公平卽上文存平等心輕出重入便是利己損人試一反觀誰不如我稱物平施方見公道

證周才美爲子娶婦見有才能令理家務付以斗斛秤尺各

兩等諭以多入少出之法婦不悅求去曰翁所爲有逆天道妾他日生子定不肖破家人謂是妾所生恐被玷累才美悟乃曰依汝言及今改之未晚也婦問用此幾年矣曰約二十年餘載婦曰如必欲婦留當反用二十年少入多出以酬前日欺瞞之數才美許諾後生二子皆登第

江山縣祝大郎富而不仁所用斗斛秤尺大小不一忽有道人過門戒曰汝安用心平等豈可如此今若有人來取斗秤等物家必有災是夕即夢一青衣來取夢中付與既覺急尋之已失矣因憶道人之言謂灾者火也卽盡徙室中之藏於

山上質庫方稍定。庫地忽迸裂。洪水湧出。屋宇錢帛順流而下。所居頃刻化爲深潭。至今呼爲祝家潭。

奴僕待之寬恕。豈宜備責苛求。

疏古無奴僕犯賊者。沒入爲奴。故奴亦曰。臧臧賊也。奴僕中
有才者。亦無幾人。大率天姿多蠢。性復善忘。不識尊卑。輕於
抵對。動輒觸怒。故但足供使則已。若備責苛求。便有許多不
測。

證晉陶淵明遺一僕與子使令因誠之曰彼亦人子也可善
視之。

楊誠齋夫人年七十餘。每冬月黎明。躬詣厨下。作粥一釜。徧
食僕婢。方命服役。其子請曰。天寒如此。老人何徒自苦。夫人
曰。僕婢亦同是人。當此寒冷。須使其腹中有暖氣。方堪服役。
夫人壽登百齡。蓋寬恕之報也。

印造經文。剏修寺院。

疏一切經文所載。無非善言。印造流通。使人見經文。感發善
心。最是有益寺院。所以接待善士。莊嚴香火。創修整理。與繁
興土木不同。俱屬善事。足以啟人修善。

證本朝封都諫公嚴武。順字。慈公禹航。人家居講孝弟。先雍

睦處朋友廣聲氣勵文章戶外時滿四方車輶博學著書汲引後進暇日常採孝友政事理學文辭可法可傳者列之官鑑世鑑而以己意論斷其間感發懲勸使人咸鼓舞嚮往名曰廸吉錄閩中顏光衷見而悅之借以削劂公諸時人漸摩而化者幾五十年而不知其出忍公先生手筆也封太恭人江爲學士女孫又命長孫刻集註感應篇行世子沉戶部倉場侍郎長孫曾築河南道御史次曾業蒲臺知縣次轉甲辰進士孫曾蒸蒸未有艾也

唐太宗破薛舉立昭仁寺於幽州破王世充立昭覺寺於潞

州破劉武周立弘濟寺於汾州破宋金剛立慈靈寺於晉州破霍老生立普濟寺於韶州破竇建德立等慈寺於鄧州破劉黑闥立昭福寺於洛州行方等悔法見光明中七佛現康熙二十三年冬

聖駕東巡率文武大臣謁闕里廟廷行釋奠禮大書萬世師表四諭序務各整飭一時輩飛鳥煥然維新文治稱隆焉捨藥材以拯疾苦施茶湯以解渴煩疏疾病須醫藥貧者不但不能延醫亦且不能備藥高明之

卷之三

家醫必名醫藥必道地一舉善念自可活人此真莫大陰德
至於夏施茶冬施湯解時人寒暑功亦不在拯疾下

證全德縣王叟善醫病者求請日再三往不言勞病愈不計
錢又治藥精詳炮洗晒製不如法者不輕授人至老不倦夫
婦齊眉八十餘子四人孫二十餘曾孫亦娶婦自叟及貧凡
三十六房夫婦皆元配子孫多有宦者

楊伯雄好施義漿歷久不衰一日遇異人授以玉種一升子
孫俱大富貴享年九十無病而終

點夜燈以照人行造河船以濟人渡

疏黑夜人行大非不得已不是急事待援於人卽奉命赴人之
急不止於路逕歸暮也夜燈最有陰功至於渡口造船接濟
往來省人跋涉遠道與濟急情事一艤

證吳郡丘繼周爲邑廩生樂善好施凡宗族鄉黨姻戚交知
無不沾其惠每昏夜施燈燭便人往來久而不移後享遐齡
崇祀鄉賢子近義孫士芳曾孫之蕃相繼登科世其家
建安楊少師諱榮世以濟渡爲生久而溪漲橫流衝壞居民
溺死者順流而下他舟皆擣取貨物獨少師祖若父嵒急救
人貨物一無所取鄉人笑其愚後得少師弱冠登第位至三

公

或買物而放生，或持齋而戒殺。

疏人生至重莫如身命天下最慘莫過殺傷萬物無不食生刑殺誰不畏懼捨身外長物救網羅魚鳥耐口中淡薄免現在刀砧仁人當此自空推恩愛物

證永明壽禪師時爲餘杭庫吏以庫錢放生後坐監守自盜棄市王知其故密諭行刑者觀其辭色師臨刑無戚容王聞而釋之

蕭寺丞震少夢神人告以壽天至十六歲卽持齋念佛誓不

殺生力行善事已而夢神告曰汝有陰功不但免夭可望期願享年果九十餘

孟兆祥領鄉薦嘗患脾疾夢至冥府見冥司告曰汝祿遠大但殺生過多將折爾算今宜戒殺持齋醒時當刻此語示人可贖此事孟許諾及覺未卽刻夢語不入後會試畢訂遊西山夜又夢冥司厲聲叱曰吾貸汝命何不速將夢廣搖陽間否則立擊汝死是夕抵舍棟折孟之臥榻盡爲墨粉因刻夢覺篇行於世

舉步常看蟲蟻禁火莫燒山林

疏蟲蟻係物命所關見之既不可踐踏若野燒不謹嘗至風緊草枯日夜不熄焚燒所及山石俱焦其傷蟲蟻不知幾億萬萬禁火陰功莫是太福善事

證胡僖字伯安時值閏期謀徙僻地得潘氏園有蟻聚室不可勝數家僮欲以火焚之僖曰以吾圖僻地而傷害數百萬命於心何安亟反故居及入場搏書二義思甚窘忽蟻集筆端不能遂去久之思若湧泉經四義立成蟻遂不見旣得薦主司謂經義殆有神助胡知爲蟻報愈切好生不傷一物命官至臺班

勿登山而網禽鳥勿臨水而毒魚蝦
高陽許憲爲餘杭縣令其子獵於仇王廟側時忽有三白麌從屋後出遂引弓而射忽失所在復以火圍之風吹火滅反燒其面而死

疏上文濟急救危二語是以魚鳥比人此戒人弗行是事又從上放生戒殺來試想禽鳥翱翔山林魚蝦游泳江湖與人何患人乃捕網張羅加以毒害其端始於貪利嗜口不能戒殺放生夫見魚鳥一時危急尚欲救濟况無故特加網羅乎若以此爲業贍給家口天下養生道路甚多何苦殺生養生

致于帝戒。况殺生養生。未有不遭報應。

證。鎮江錢參將部下卒獲一鴈籠之舟尾。空中有一鴈隨舟。悲號。將登岸。籠中鴈伸頸向外。大呼。空中鴈忽下。二鴈以頸相交而死。錢參將聞之大怒。同舟兵卒各杖三十人。以鴈埋之。名曰鴈塚。

孫良嗣遇禽鳥被獲。輒買縱之。後葬時。有鳥數百。墮泥觀者驚嘆。

鄭驥性愛物。地有蕙少。每至夏月。買藥藥魚。名醫篋。傾汁上流。一三十里。魚鱉蝦蛤大小皆死。公曰。吾力不能救物。惟買

此。鰐焚之。肆中無留。亦可少全。數百千。生命歷年。買簾盡焚。之不至毒及魚蝦。壽九十。子孫昌貴。

李景文好生。爲念。凡魚蝦活者。盡畜之。池後服丹砂。煩躁幾死。家人投之池中。見魚蝦促遍文體。如吮噉然。須臾平復。好生者得生。好殺者得死。報施毫釐不爽。如是。

勿宰耕牛。

疏。牛泥塗負重。彊力耕犁。身受鞭笞。效功畎畝。何等辛苦。何等勤勞。况止食百草。未嘗費人豢養。大錢亦可念。其有功於人。免食其肉矣。少壯用力。老憊不免。一刀心寧。忍乎。願世人。

俟其老死，衣以火光，或埋之淺土，庶於元帝戒牛之箴國家私宰之禁有合。

證包孝廉諱如賓，全家不殺生，不食牛，嘗刻耕牛苦楚偈，勸人少殺少食，人多從之。其子鴻達，發解順天，壻陳萬言領解，兩浙並成進士。

餘姚顧屠，將殺一老牛，其犢卿乃藏之，顧怒，欲併殺犢，封君石泉翁見之，貸穀救免。公子高第仕中丞。

吳郡司理某，暴卒，復甦，求諸僚友，爲之立薄，通衢遍勸百姓，誓戒牛肉，皆書姓名，一日得數千人，望空焚之。醒後語人曰：

項又被攝去，有黃衣人持門籍至，云此所勸戒食牛人姓名，主者大喜，謂汝增壽六紀，羣僚皆獲厚福，後年至百歲。吳江北麻村計芳，平時喜食牛犬肉，康熙十九年四月十九日忽夢一牛作人言，曰汝食我肉多，隨以我形付汝身，夢警中恍惚，言之覺，時口不能言，醫藥無效，至二十年七月十四日竟作牛吼而死。

勿棄字紙，

疏天地祕奧，賴字而傳，古今經史，賴字而彰，道理名物，賴字而白，心思文采，賴字而詳，見字如見天地，道理名物，奚可不

敬奚可不重試看。不學人點畫撇捺提筆有千萬疑難輕忽遺棄。自是莫大罪過。

證宋王沂公父尊敬聖經。每遇故紙必掇拾之。滌以香水。然後加火焚之一夕夢宣聖拊其背曰汝尊吾教何其勤也。惜汝已老無可成就。當令曾參爲汝子。晚年果得一子。因名曾狀元宰相封沂國公。

楊百行坐穢經文舉家害癩。昌郡鮮于坤殘毀孟子。全家滅亡。楊全善埋字紙五世登科。李于材葬字紙一身貴顯。今士子不肯愛惜書籍。作踐文字。以致困頓。塲屋白首無成。子孫

愚頑書香斷絕。皆喪瀆聖賢之報。蓋凡書籍文字。皆是聖賢遺跡。若不加敬惜。卽爲喪聖賢罪。浮誣謗。

勿謀人之財產。勿妬人之技能。

疏貧賤富貴。皆由天定。强營不來。技藝才能。本自性成。刻忌無益。謀必有許多圖維打算。妬必有許多誹謗毀殘。都是陰惡。最犯天譴。不知謀人適以自謀。究竟財非我有。妬人還以自妬。終於不碍其能。所謂使心用心。反累己身。不可不慎。**證**畢景以苛刻立業。凡田產與之相隣者。百欲侵之。及其有急而賣。則陽拒之曰我不欲也。既復使人陰鈎之。及至則又

曰我實不欲也其人無奈只得減價以就及成契則又曰我銀不便期以某日來取或以色銀或以米穀湊與之原數并不得全平生所爲類如此後景長子以人命繫獄破產而死次子流落乞丐死於他方嗣竟絕

宋大夫薛瑗有子十人一傻一跛一癱一癩一癩一聾一瞽一啞一獄死公明子臯見之間曰大夫所行如何而禍至此瑗曰子生平無他惡惟好行嫉妬勝已者忌之侮已者悅之聞人之善疑之聞人之惡信之見人有失已如有所得見人有得已如有所失子臯嘆曰大夫心行如此須至滅門

矣惡報寧止此乎瑗聞其言惶然懼懼子臯曰天雖高而察甚下若改往修來轉禍爲福不患晚矣瑗自此改惕盡返生平所行不數年諸子所疾皆愈

勿淫人之女妻勿唆人之爭訟

疏萬惡淫爲首淫字最傷盛德持得定便是莫大陰功人有訟心而聳之曰構人無訟心而挑之曰唆唆人之口極爲陰險傷天理害骨肉破身家因而取利使人不及防不及算上干天怒莫外是人

證南城童蒙美丰姿隣女慕之一夕私奔童曰爾尚未字我

若苟含有玷終身欲爲伉儷我又貧窶無以爲禮女度不諧垂涕而返童待旦托故遷居後登致和進士

李登年十八爲鄉貢首五十猶不第詣葉靜法師訊勘師因伏叩文昌帝君帝君命吏持籍示之李登生時賜玉印十八魁鄉薦十九作狀元五十二歲至右丞相得舉後私窺隣女遲十年降二甲繼侵兄李豐屋基又遲十年降三甲澁一良家婦鄭氏又遲十年今復盜隣居室女爲惡不悛已削其籍終身不第師以告登登愧恨死

德清蔡狀元諱啓傳號崑陽初膺鄉薦其時無子夫人私蓄

三十金置妾及至垂淚不止公問其故曰夫以欠負營債至此但追念不禁傷心公乘夜往其夫家語之曰吾爲爾完營債事然我此夕不可歸歸則心跡不明遂臥彼處候營卒來謂之曰我姑不汝較但繳券卽付金卒亦惶遽感動交券辭金公卽命轎乘婦還其夫以三十金爲贈後未幾夫人生子康熙庚戌公遂登第

蘇州衛人黃鑑其父慣教唆人詞訟落人產業後鑑弱冠登正統壬戌進士蘇人笑曰天道無知若此耶及天順復位鑑歷陞大理寺少卿一日上御內閣查鑑有禁錮疏立時族誅

蘇人快之

崔燁于開元寺見一乞食老嫗足蹶覆人酒甕被店主毆擊
燁趨解曰酒值幾錢曰值一貫燁脫衣代償老嫗不謝而去
異日遇諸途乃曰蒙君解難吾不敢忘吾善治贅疣今有越
井岡艾少許相贈若遇贅疣一灼卽愈其後遇一僧贅垂于
耳依法愈之由是知名延之者衆或曰老嫗卽鮑姑也

勿壞人之名利勿破人之婚姻

疏將得之利將成之名將配合之婚姻已是萬分無阻忽遭
一言破壞率至終身困阨兩下不圓無利于已有損于人如

此等人名利婚姻自然蹭蹬卽使名利已獲婚姻已就如此
存心必至天奪其魄不得安享勿以惡小而爲之古人格言
須要猛省

證王太史紹隆主試江右填榜時拆一卷掾吏皆稱其才房
師問何以知之答曰此生七次副榜房師私計其老不樂卽
欲請卷而去太史乃取墨卷細閱曰七篇精楷無一誤字卽
少年不如何可以老棄也命卽填榜次年聯捷
陳祚有幼第三人慮其長而均分田產乃先取田私與厚
友毛烈迨第長止以現在產均分後以錢贖所質田烈知其

故受錢畢竟不與券。祈憤甚，訴之東岳祠。祈與烈皆死。既而祈還，述其對審時烈持券爲證。王指其心曰：「券何足憑？」止憑此心耳。烈乃伏罪。付重獄。祈以兄歿弟亦減祿算。釋回夫。祈欲減弟自益。而被烈劫烈欲減祈自益。而受神誅。暗中銷算絲忽不爽。可懼哉。

徽州程孝廉濱深而居。有女子探親失足墜溪中。程遣女婢救之。命妻爲之烘衣。畱宿次日送歸。母家女之舅姑聞而不悅。曰：媳未過門而宿于外。非完女矣。令媒欲退婚。孝廉使人力諭之。乃成婚。不踰年。其夫卒。得遺腹子。後孀婦教子讀書。

燈前嘗流涕曰：「汝讀書若成名。毋忘程孝廉恩也。」及其子弱冠。登科丙辰入會場。每成一藝。必朗誦呂絕文。完。忽放聲大哭。適程與之隣號。亟問之。少年曰：「七篇皆極得意。不期燈煤焚卷。數行今無用矣。」程曰：「若能遺我乎。得雋富報。若少年以卷與程。程中進士。少年詣程。曰：「公生平作何陰德。而以我丈成名。」程曰：「曾憶二十年前救一女子溺水。其夫家議退婚。我力任其無他。得譖配偶。或此其陰德耶。」少年因伏地拜曰：「先生我母之恩人也。因以母燈前所囑告程。事程如師禮。勿因私讐使人兄弟不和。勿因小利使人父子不睦。」

疏父子天性兄弟同胞斷無聽人離間之理然有心離間者偏能以是爲非以非爲是乘其小隙構以旣患明是以取間親只因胸中有私讐小利在遂至無風起浪到底父子兄弟只係至親久後自然省悟但當下未免受其顛倒帝君雖戒小人不可作此等事亦提省凡爲父子兄弟者須要察其來意不可輕信傷兄弟父子至情

證浙江米信大爲人好狡里有大家兄弟爭財米素與其兄有隙因唆弟訟兄結合官吏破其家而有之兄弟俱抑鬱而死米富二十餘年遭反謀牽連見縣吏儼如其弟抑令招承

忿而訴于府見府吏儼如其兄復抑令招承家產既盡妻女子媳八人俱死于獄

張孝基爲富翁婿翁止一子有過逐出未幾翁病臨死以家財付孝基後數年孝基見翁子乞丐于路問曰能灌園乎曰就食幸甚旣復問能管庫乎曰管庫尤厚幸久而子益謹愿孝基念言彼寔父子我何可利其財盡舉家財還之孝基死後其友游嵩山道逢孝基坐高車旌旗蔽野騎從聯翩因請問其由孝基曰上帝嘉我還財事命主此山語訖不見勿倚權勢而辱善良勿恃富豪而欺窮困

疏善良是存天理有本心的人窮困是失時運沒幫手的人
倚著自己的權勢凌虐善良恃著一時的富豪侮慢窮困善
良窮困自然聽其欺辱須思權勢薰灼富豪炫燿無多幾時
古人云宦情太濃歸時過不得設使到無可倚恃時回想已
前許多過惡真是空做冤家豈不可嘆可愧故得行方便時
須行方便

證明南京史良佐爲西城御史而家在東城每出入怒里人
不爲起乃執數輩送東城御史究治東城御史詰之對曰民
等總被倪尚書誤了曰何誤曰尚書亦南京人其掌兵部時

出入里中衆或走避輒使人止之曰與爾曹同鄉里我不能
過里門下車乃煩爾曹起耶民等愚意史公猶倪公遂不爲
起不意逢彼怒也東城笑而釋之

林退齋尙書臨終子孫跪請曰大人何以訓兒輩公曰無他
言只要吃虧噫從古英雄只爲不能吃虧害多少事林公此
言凡勢要人誠宜大書屏右常目在之

陶文僖公大臨嘗謂人曰吾僻一列仕籍卽令念念濟人利物
一生罪業不能贖萬一况可漫不加意乎憶吾往歲出差
赴越往還數千里或由陸路所用負載夫役不知若干人或

由水路所用牽挽夫不知若干人念茲小民皆人子也或當炎蒸淋汗如雨或值嚴冬衝冒霜雪由此而踣頹道路委墳溝壑何可數也此等罪孽皆由我作能無惕然乎

杜荀鶴未顯時夢一僧戒曰汝必得君若逞志作威則必死矣及梁祖開國鶴乃怙寵肆暴夢神叱曰汝豈忘神僧言乎帝將罪汝未幾果卒

依本分而致謙恭守規矩而遵法度

疏以一身舉動言當依本分以出門交際言當致謙恭處家庭鄉黨當守規矩在朝廷當遵法度此亦是人生尋常當爲

的道理日日警心步步提醒卽此便是修善修福不然在已必妄作妄爲對人必肆志肆意于家庭鄉黨必越禮越法于朝廷必犯名犯義如何使得

證太乙真人曰予有經三部功德甚大但要體認奉行一字經曰忍二字經曰依本分二部經不在大藏

只在靈臺

松江張畏岩積學工文甲午赴試南畿寓一寺中榜發無名大罵試官睜目時有道者微哂曰造命者天立命者我力行善事廣積陰德又加謙冲以承休命何福不可求哉善事陰

功皆由心造常存此心功德無量且如謙虛一節並不費錢何爲不自反乃辱罵試官乎張由此虛懷折節于酉果中鄉試

陳公敬宗以南祭酒九載奏績赴京時王振柄國素慕公適周文襄公忱在京振微露其意周公以爲言公曰某忝爲人師而謁中貴他日無以見諸生周因諷振曰陳祭酒書法極高以求書爲名先之禮幣彼將謁謝矣振乃遺致彩綬羊酒求書程子四箴公爲書之卻其禮幣竟不往見齊人劉廷式未第時議娶鄉人之女約而未聘後及第其女

病盲女家且貧不敢言人勸納其幼女廷式笑曰吾已早許之矣雖盲豈負初心哉卒娶之生五子皆進士

諸和宗族解釋冤怨

疏宗尊也爲先祖王也族聚也生相親愛死相哀痛有會聚之道故曰族也自當以諸和爲主冤可解不可結怨可釋不可修不自解釋相報無已時帝君只是饒人責己勸人修善忍字以獻帝旌其門賜以縑帛

南唐書稱江州陳氏元和給事中京之後宗族七百口共席

而食。畜犬百餘食亦一牢。一犬不至則諸犬爲之不食。
孔融字文舉。與鄭慮字鴻豫。互相短長。遂成仇怨。曹公以書
激厲融曰。後世德薄。睚眦之怨必仇。一食之惠必報。故晁錯
念國構禍于袁盎。屈平悼楚受譖于椒蘭。彭寵傾亂起自朱
浮。鄧禹損威失于宗馮。由此言之。喜怒怨愛。禍福所因。可不慎乎。昔廉藺小國之臣。猶能相下。寇賈倉卒。武夫屈節。崇好
光武。不問伯升之怨。齊侯不疑射鈞之虜。夫立大操者。豈累
細故哉。

善人則親近之。助德行于身心。惡人則遠避之。杜災殃于睂曉。

疏德行非能擇人。惟善人基之。助輔理也。災殃非能禍人。惟
惡人罹之。杜閉塞也。善人德行之資。惡人灾殃之圖。親近善
人身自勵。德行心自廣。德行久而不覺。自善猶輔理也。惡人
行一事必生一灾。發一言必種一殃。勢必惹火燒身。見于睂
曉。杜絕之惟恐不速。然而大德若訥。大奸若忠。毫厘千里。又
不可不細加體察。

證明王恕爲吏部尚書。罷歸天下縉紳過三原者。必屏呵從。
走。謁劉大夏爲兵部尚書。居家時。值朝廷調土兵討流寇。所
在據掠。至輦容見公。悉羅拜曰。大人鄉里安。敢犯陳獻章。新

會人嶺南有游國學者北士必問曾游白沙先生門否因以之爲輕重文徵明居吳四方入貢者造之不得見必望其居遙拜而去嗚呼王劉二公功業在世宜人皆敬之白沙衡山不過一書生耳而人敬慕若此豈非善心感發自然而然者歟

邵康節曰人之善惡形于言發于事人得而知之但萌于心發于慮鬼神得而知之是以君子于起念之際常切檢點檢點既純斯有善而無惡矣答趙康靖公常置瓶豆于几案間每一念起必隨善惡以豆別之善則投一白豆于瓶惡則投

一黑豆于瓶初則黑豆甚多既而漸少久而善惡一念俱忘瓶豆亦置而不用此真修意之善者也

常須掩惡揚善不可只是心非

疏太上曰遇惡揚善佛氏曰止惡行善吾儒曰隱惡揚善三教如出一口凡不善卽名爲惡我能掩之使不自棄後得勉而爲善少有可取卽名爲善我能揚之使人聞知又可相率爲善無非存心接引若口裏說話都是聖賢心裏打算全然盜跖久久人識其中心叵測知其不善誰復與爲善證黃仲昭爲吏部文選汲汲以人才爲慮嘗曰國家需才如

農之積粟。今士大夫矯激沽名以閉門謝客爲高。天下人才何由知之。故公每客至輒延見詢訪。有所得必書于冊。雖小官亦不敢忽。

劉夢震曰。人嘗謂激濁揚清是非太明。亦足名禍。此不盡然。宜激則激。宜揚則揚。此爲順天之命。安可一意姑息。庾道季久病。設醮祈佑。係命真君判曰。庾道季平生爲人心口不同。自少及長。善功無一。罪惡已定。死在旦夕。俟神求免。得乎。數日果卒。

常記有益之語。因談非禮之言。

疏。有益之語。有關身心德行。必當書之。座隅以自警。惕故曰常記。非禮之言。有碍名節。有涉行止。一切棄置勿道。故曰因談。然雖說常記。全要人身體力行。雖說因談。全要人返已內省。方得帝君警戒意。

證。張載常坐虎皮講易。京師聽從者甚衆。一日與二程論易。次日語人曰。二程易道深明。吾所不及。至論道學之要。載渙然以爲益在于是。乃盡棄異學淳如也。遂誌不忘。馬援戒兒姪曰。吾欲汝曹聞人過失。如聞父母之名耳。可得聞。口不可得言也。

黃魯直好作艷詞，法雲秀老屢以無益爲戒。黃曰：空詞何妨？秀曰：李伯時但以念想在馬腹，遂至墮落。公艷語滿天下，使人冒犯廉耻，踰越禮法，何止入馬腹？殆當入泥犁。

王狀元莘居官時，人以他人事誣之，或勸之辨白。曰：此吾同年友事，若白之，是我誣友也。竟不辯。後新建官京，聞士論猶爲此事紛紛，新建欲具疏奏辯公馳書止之。曰：汝以此事爲父耻，倘攻發吾友，反爲吾一大耻。遂止。

翦礙道之荆榛，除當塗之瓦石。

疏翦荆棘，除瓦石，特一舉手之勞。爲善雖小，因而被刺，受傷

受跌致損患，且不測，况在道塗所行者不一人耶？不得謂善小勿爲也。

證臨川縣民周士元入山採茶，忽被荆棘，傾跌于地。棘入肉中，流血不止。因念有礙行處，隨負痛將荆條用力大除根下。

灼燬有光得黃金一錠，持歸販賣，三年遂成富翁。

永嘉徐文自幼好行方便，每見塗次瓦片磚塊去之，惟恐不盡。如此四十餘年。一夕夢神告曰：爾壽本促，以念切利人上帝，錫爾期頤後果。九十九歲。

修數百年崎嶇之路，造千萬人來往之橋。

疏崎嶇之路、惟陂塘堤堰爲甚。若大橋係孔道所關、王政尤急。雖修築原屬水利、而各得平治、亦甚利行人佛經所謂現
在功德也。

證五代錢武肅王鏐始築捍海塘，在候潮通江門之外、潮水晝夜衝激、版築不就、因命強弩數百以射潮頭、又致禱胥山禱、既而潮水避錢、唐東擊西陵、遂成堤岸。

金華張安仁積穀數千石、歲大饑或勸之出糶、張曰吾豈圖利已者耶、一日盡發所積、除道修官塘一百八十里、築堤四十餘里、邑人爭役、賴以全活者甚多、後年九十三子孫相繼。

登科。

蔡襄字君謨、知泉州、距州二十里、萬安渡絕海而濟、往來畏其險、歲有溺者、襄立石爲梁、其長三百六十丈、種蠣于礎、以爲固、至今賴焉。又植松七百里以庇道路、閩人刻碑紀德、瑣言云世傳端明遺檄、海神得醜字、乃以廿一日酉時興工、八日而成此、乃宣政間一蔡錫者修洛陽橋事、非端明也。歙縣余寧祖販木爲業、時議建石橋、計值四千金、余意獨任資本、適止四千、又已市木在山、因期急售舉事、及至彼處、木價騰湧、獲倍利、橋既成、而其資如舊。

垂訓以格人非捐資以成人美

疏格言語錄凡可翼經傳垂教法者皆訓也使人觸目感悟。格其非心與自己修善無異罄囊橐假布米可以濟功名了喪葬完姻娶貲所以成人之美也使人素願得所與自己獲福無異甚不可白日放閒當面錯過。

證冒起宗爲諸生時日莊誦太上感應篇戊午鄉薦後增註此經註已卽焚稿于神前因念萬惡淫爲首故于見他色美一條備詳古今報應發人猛省其佐繕寫南昌羅憲岳也戊辰春羅夢老翁黃服二少年紫衣左右侍老翁手持一冊左

顧少年曰爾誦來羅竊聽之愕然曰此冒公感應篇見他色美之全註也誦畢老翁曰該中復右顧少年曰爾誦詩應聲曰食將折桂廣寒宮那信二千色是空看破世情迷眼相榜花一到滿城紅啄畢老翁笑而去羅寤作書詳述夢中事并詩寄冒賀其必雋及榜發冒果登第後羅亦中式

范文正公子純仁嘗往江東收租麥五百斛舟載以歸道遇石曼卿自言三喪未葬當世無可謀者堯夫悉以麥舟付之單騎抵家見父文正公曰江東曾見故人否堯夫曰石曼卿爲三喪未葬畱滯丹陽文正曰何不以麥舟付之堯夫曰付

之矣文正聞而大喜

作事須循天理出言要順人心

疏言行係人生大端不可忽畧作事是行可以對人可以對天的便是循天理天理卽在人心發言又必顧行言得行不得的言之無益與臣言忠與子言孝便是順人心人心卽是天理曰循曰順不過合于自然而巳

證趙清獻公嘗曰吾晝之所爲夜必焚香告之于天不敢告者不敢爲也蘇黃門書陰君之言曰晝之所爲夜必記之于紙不可記者不可爲也二公所言俱是循天理

石碏曰踐妨貴少凌長遠間親新聞舊小加大淫破義六逆也君義臣行父慈子孝兄愛弟敬六順也棄順效逆所以速禍也

明正德己卯陳良謨與同輩北上至王家渡俄聞舟人與土人毆猝至乃陳家僮陳灝責家僮諭慰土人舟中同年某者怒詈日爾何人敢集多兒上我官船行劫反誣我舟人毆爾耶縛而捷之其人叩頭哀乞乃叱本因語陳曰兄何迂哉今之爲官者才能智畧耳人心天理都用不著陳撫然不答其人後爲紹興司李憑胸臆肆虐百姓竟以考察譖爲汚陽丞

疽。發于背。洞骨而卒。

見先哲子羹牆楨。獨知子余影。

疏食則見堯于羹坐。則見堯于簷。即是布賢。布聖。布天。君子厲行。念念不忘的意思。獨寢不愧。袞獨行不愧。影即是相在爾室。尚不愧于屋漏。君子存養省察。時時檢點的意思。此兩言是通篇結穴語。上文皆零細說。此又括其大全。見必存心。如此然後所行事。事皆寔方。是修善修福的根源。故下隨接諸惡莫作。衆善奉行。

證黃憲字叔度。汝南人。父爲牛醫。頽川荀淑至慎陽。遇憲于

逆旅。時年十四。揖與語移日不去。謂憲曰。子吾之師表也。既前至袁閔所。未及問勞。遯謂之曰。子國有顏子。寧識之乎。閔曰。見吾叔度耶。是時同郡戴良才高倨傲。而見憲未嘗不正容。及歸。罔然若有失也。其母問曰。汝復從牛醫見來耶。對曰。良不。見叔度不自以爲不及。旣覩其人。則瞻之在前。忽焉在後。固難得而測矣。見先聖于羹牆。大意如是。

千古聖賢。不過察諸一念之微。天地鬼神多于此處。勘人善惡。人能于此俯仰無愧。衾影無慚。有何暗室之可欺也。

諸惡莫作衆善奉行

疏全篇俱要。人修善去惡。然前只層層次次逐事指點。此處直喝出善惡。說得森嚴。教人猛省。太上從政過後。示人懺悔之方。特曰。諸惡莫作。衆善奉行。此從慎獨中聳人怖畏之心。亦曰。諸惡莫作。衆善奉行。總是善惡只在起念上分別。起念善無有不善。起念惡急須撥轉。方能不落惡邊。此是帝君直捷了當語。勸行陰隲。最爲吃緊。

證阿耶律本一巨盜。夜至佛寺。見佛燈欲滅。拔劍挑之。燈忽大明。卽時竦然改惡從善。後竟得道。

荆王夫人好放生布施。與婢妾俱長精修西方。惟一妾懈怠。夫人斥去。其妾悔悟。精進久之。將終。異香滿室。已先西方。仍托夢夫人。同往淨土蓮池中。見蓮花榮瘁不一。夫人問何以如此。妾云。世人纔發願心。池內便生蓮花一朵。若願心精進。則花日日敷榮。如稍退轉。則花日日萎瘁。夫人覺而益加精進。後因生白子。孫友具儀獻壽。已立化矣。

永無惡曜。加臨常有吉神擁護。

疏日月五星謂之曜吉神如司祿司命文昌福德皆是人若作惡不悛天自不覆地自不載若果諸惡莫作衆善奉行自然吉曜照臨神明呵護永處順境

宋景公時熒惑守心子韋曰禍當君可移于臣公曰相所以治國家也日移于百姓曰百姓死寡人將誰君曰可移于歲日歲饑人餓必死子韋曰君有至德之言三天必三賞君矣是夕熒惑退三舍

張士平知青州忽夫妻失目因棄官居家日夜禱謝一日忽有一書生踵門曰吾乃太白星官五帝星君以子久志于道

且勤于禱謝遣我下降爲子療治既而不施一劑惟于宅南鑿開一井取水滌之遂愈

近報則在自己遠報則在兒孫

疏此又蒙上文來吉凶善惡報應不爽或遠或近如響應聲人卽不念自己獨不念子孫乎帝君又云積功者子孫昌及三世積惡者子孫錄入丐籍何苦自己作惡累及子孫可畏哉

秀水屠戶潘騏肆惡橫行無業不造一日死而復甦呼妻子告曰吾死至地獄見閻君閻君言善惡之報陰府顯然毫釐

不爽死者受報生者不知良由陰陽道隔無從曉諭以故受者方苦作者熾然卽輪廻報應之說尚多疑而未信深可悲憫今潘騏罪惡已極著令暫返陽間假此一人以警萬衆遂操刀自割其陰曰此吾宣溼之報自研手足曰此吾屠宰殺生之報自剖腹剜心提出臟腑曰此吾陰險殘賊種種害人之報言訖而死

太原王用予正統辛酉歲朝先期齋戒赴文昌行宮宿甫就枕夢帝君升殿語云汝同里周吉爲今科榜首用予請其故帝君曰吉祖父爲士從無一字入公門不溼一婦女相沿三

代竝不形人一短暴人一惡且其祖曾作百忍說以訓人感化者頗衆計其父子祖孫以簡靜基福者十餘年此最上隱德上帝克嘉注昌三代發元特兆端耳

百福駢臻千祥雲集豈不從陰陽中得來者哉

疏駢臻雲集言福祥之至其來不隨心而得觸處皆然難以枚舉篇首廣行陰陽是帝君自言此結出陰陽二字是帝君願天下人普行陰德廣積陰功同膺上天錫福所謂願天常生好人願人常行好事也夫陰陽不但富貴可行卽貧賤未常不可行在家庭無縱氣性無聽細言常淡滋味常生歡

喜出門對親朋有善事贊嘆從臾遇非理微言諷勸見貧人一撮米一文錢不大費事見相構息紛爭釋嫌隙不大費心不爲利名不作鄉原時存此心久而不輟何常非陰隲笞人定功過格閉戶一月算十大功亦卽此意太上終篇說勉而行之是勗勵人此云從中得來是鼓舞人念之念之其毋忽也

證蜀楊希仲爲一富室賓館有美妾夜奔之楊距不納其妻在家夢神曰汝夫勵操客齋令魁多士以彰善類妻不知所以歲暮希仲歸始言其故明年舉蜀第一人

徐性善與楊宏同赴南宮又同寓一僧善相云徐君當餓死楊君獲高薦是夕楊偶思邪淫徐嚴詞力止次早僧復來見徐大駭曰如何一夕之間便有陰隲紋滿面汝二人今當貴顯放榜果同登第

漢楊寶見一雀爲鴟所傷懷歸餌以黃花後夢雀化黃衣童子持獻白玉環四枚曰令君孫子潔白累世公卿寶後震明經博覽安帝時拜太尉以四知郤所饋金震子秉桓帝時太尉言我有三不惑酒色財也秉子賜孫彪自震至賜三葉宰相自震至彪四世太尉故東京楊氏爲漢名族皆由陰隲所

寶永甲申冬至之日

雒東知恩院對門 書坊感恩堂印行

華頂山御藏版目錄

圓光大師繪詞傳

四十八卷
合本二十四冊

黑谷語燈錄

七冊

同行狀翼讚

二十卷

同上人傳

十冊

同秘傳鈔

三冊

漢語燈錄

七冊

同略頌

近刻

和語燈錄

七冊

三部經

義山清濁
中形兩面摺

五部九卷

義山清濁
見聞附

九冊

同大形

同
四卷十七卷

同

善導記
良忠記

二十三冊

同科圖經

同
四冊

同要文

見
義山清濁

一冊

同合讚

七冊

往生論註

同

三冊

選擇集

義山清濁

二冊

七卷書籍

再板

七冊

同 濁附	惠空點	二冊	安樂集	義山清濁	二冊
同 決疑鈔	頭書	五冊	往生禮讚纂釋		
同 微考		三冊	鎮西宗要		
淨土名目圖見聞	頭書再板	三冊	同 聽書		二冊
宗略大要義	關通和尚述	一冊	淨業課誦	附錄 大折經モ有	二冊
念佛名義集		一冊	梵本三經	弥陀 普賢 心經	一冊
皇都書林麗澤堂藏版標目錄			同 搜玄疏		
譯文筌蹄	祖祿先生述		古ヨリ曼荼羅ニ疑ニキテ深リ改メ諸尊、國印衣服ニテクハレク正シアラタメシモノナリ		
此書ハ譯文字儀返對ニクハレク			義山上人述		
漢字ヲ片假名ニ解セシモノナリ			大順和尚述		
同 後編	同著	全部六冊	同 搜玄疏	勢州洞津天然等	七冊
同 字引	筌蹄ノ文字ヲアツメ 字引ナリ	一冊	同 搜玄疏		
同 拾遺	近刻		無外文雄述		
同 繢編	皆川先生述	二冊	搜玄疏ノ和文モナリ		
同 虛字解	同		大順和尚述		
同 繢編	同	二冊	同 大經開擅記	四冊	
同 譯文須知	愚山先生述	六冊	大經ノ要文ノ國シテ九書		
譯文ノ虚字ヲイロハウケニ テアツメタル書ナリ			同 反古和讚	喚譽上人述	二冊
			同 智光清海善導	中將姫代ノ和サンニシタス	
			各二冊完		

文語解

大典禪師述
李寧義音便ノ解セシヲナ

同禮誦法

お詮ナテ曼荼羅
供養法次也近又一卷

護法資治論

不染居士述
大典禪師述
神儒佛教ノ牴観ノ之

二部假名抄

白門ヒ人述
五冊

同後編

前モレシ集タルモニ

同補遺

近刻
三冊

同祐遺

同
粗前佛ニラナレ

同要解

かみねとアリ解セシヲ
七冊

念佛無上醍醐篇

尾州八事山
諦忍律師述
三冊

同謗註

清小報恩ち温代上人述
七冊

五味ノ中念佛ヲ醍醐味ニタトヘ五佛即弥陀
弥陀即五佛等アラ蜜教ヲ引テ述シ書ナリ

十樂手鏡

同
二冊

同三言釋

かみねとアリ解セシヲ
二冊

淨土ノ十樂ヲ和解シテクハシノノ且
十樂ニ對ニテ人間ノ十苦ノノベシナリ

同祕要藏

同
粗前佛ニラナレ

同遺事

かみねとアリ解セシヲ
二冊

高野大師明遍僧都授與ノ法
語ヲ直解シタル書ナリ

施餓鬼問辨

同
サキ功應并行裏ヲアリ
一冊

奥羽念佛驗記

金旅和尚述
三冊

律苑行事問辨

同
律宗行事作法ヲシテ
一冊

圓頓戒誘蒙

水戸觀微述
一冊

梵網經要解

同
片カナ真名テ經毛要解
六冊

無能和尚行業記

柳谷宣游述
二冊

日本最勝念佛法語説註

同
聖德太子念佛法語ト云
又聖德太子念佛法語ト云

同和解

相承の文字とアリ
沙の洞空述
三冊

方服圖儀

同
善也和尚述
二冊

涅槃隨文略讚

口体名貞極述
三冊

教起諸說辨斷

同
并善光寺如來教起
一冊

念佛奇持現證集

隆光述印述
二冊

空華隨華

同
佛一代三カラシ要集
二冊

涅槃護國篇

妙心記
四冊

同談叢

同
律見圓覺知拉雜書
四冊

彌陀和讚集註

同

用意問答

良忠上人述

一冊

神國神字辨論

同

輯要

妙導和上述
回答ヲ久遠註解セシ
三冊

合掌本義篇

合掌并印圖ノニクワシ

澄禪和尚行狀記

代の如來并和教有
三冊

放生會手引

一冊

現證往生傳

泉濱雲山和尚述
三冊

鎮西聖光上人繪詞傳

法華大福寺聖光和尚述
十八冊

勢州往生驗記

津天然寺大順大師
三冊

聖光上人御一代行狀ノクワシノベ

画入ニシテ解セヤスキ書ナリ

伊勢一匡往生せし人ヲアラハセル
書ナリ

義山和尚行業記

御一代行狀ヲシセリ
一冊

待定法師利益傳

柳谷寒湖和尚述
二冊

御傳述懷抄

一冊

外溪貞侍上人余化淳の門下深技七万文

名号として接若一又貞通も其をもくじし
外溪の音階ありとぞ一かきくわくちうせり

同遺事

御傳解説卷之卷之
一冊

東城念佛利益傳

同
二冊

拔起讀經繫聞書

關通上人述
三冊

東域念佛利益傳

同
二冊

同述讚

在同一
一冊

雲說和尚念佛利益傳

二冊

圓光七ヶ條新抄

大師七ヶ条の在所又を
門徒傳承於後わざ
三冊

同意業錄

前文とあるとろひ
一冊

空琴和歌集

大師空琴の在所又を
門徒傳承於後わざ
一冊

百万遍祈禱辨抄

夏蓮華世震著上人述
利智生并次第
一冊

華頂滿靈上人法語

一冊

發願文和釋

發願文と解せよ
一冊

同大法會圖錄

一冊

孝感冥祥錄

柳谷寒湖上人述
二冊

え祖大师御忌門徒今のひ才細見の圖
物今の式界もくく其めくすと多大

考子義と並んで極めて揚相并火獄
去相と成せよとくくちうせり書く

浮業知識

達門人善置並傳
二冊

同感得傳

おとせやお法入をもる也
二冊

四十八願題詠抄

浪華大福寺風範述 玄空著註解

法の道あるべ

慈空和上述 一冊

同代繪抄

有り状記さううく絵合
七冊

別時念佛語總經 忽散上人述

同繪抄

有り状記さううく絵合
二冊

淨土要略抄

向阿上人述 二冊

淨土源流章

有り状記さううく絵合
一冊

往生至要次略解

同 要文と略解 二冊

識知淨土論

有り状記さううく絵合
三冊

開通和尚行業記

三冊 傳戒論

沙門了譽述 一冊

念佛安乐大要抄

大我和尚述 二冊

諷誦啓蒙

沙門紀南全長述 二冊

彌陀經略纂

同 二冊

補註

沙門紀南全長述 二冊

夢庵戲放集

同 二冊

私記

沙門紀南全長述 二冊

唯稱問律決

同 二冊

稱讚淨土經

沙門紀南全長述 二冊

同安心鏡

同 二冊

專修安心鏡

津土の安らぎ 二冊

同魔頌決

同 一冊

忍辱隨筆

津土の安らぎ 二冊

金輪論

同 一冊

鎮觀用心講抄

一冊

專修祈禱論	同	一冊	口稱百萬遍聲記	一冊
三肅訓	同	一冊	淨土十要	五冊
扶桑論	同	一冊	念佛選權評 新刻	一冊
夢庵記	同	一冊	忍徵勝瑞記	一冊
楠石論	同	一冊	伊豆弥陀穴之記	一冊
淨業論	同	一冊	臨終用心	一冊
薦母艸	上人母夫人追善	三冊	同 節用	一冊
淨土禮誦法	日用金誦 折經	一冊	同 元亨釋書和解	二十三冊
六時禮讚	義山清滿	一卷	金剛寶戒章	三冊
佛名會式	一卷	二十五菩薩之圖 大小	同 善導大師用心抄	一冊
圓光和讚	又六原声明上云	一卷	授菩薩戒要解 妙榮大師述	一冊
四箇法用	大本入三冊	起信義記	七十五法名目冠註	此書八有宗七十五法名 目錄三冊
日設禮讚偈	獅谷叢和尙述	同幻虎錄 幷辨講 各五冊完	御傳緣起目錄	二冊
往生要集	大本入三冊	一收起請諺論	執持名號勤行式	片手ひらまきく一卷
太上感應篇	折本	選譯集決疑抄會本 忍徵述	執持名號勤行式	片手ひらまきく一卷
同持錄并二要語	各一冊完	忍徵上人行業記	太上感應篇	折本
引聲彌陀經	折經	大乘義章	同持錄并二要語	各一冊完

華嚴探玄記

念佛追善說

一冊

同

發揮抄
并五教次第

發菩提心集

三冊

五教章冠註

一切經惠林音義

同復古記

高野大師行狀記

同衡秘抄

淨土群疑論

俱舍論冠註

文鏡秘府論

同函真抄

疏第
二重
三重

悉曇三密抄

諸秘釋

衣之外書物經師顏下至持立止以用符付之備甚希並日本賣買付之
御書物所京洛東知恩院古門前石橋町 澤田吉左衛門

閑窓雜錄

八事山諦忍律師述

全部一冊

比丘尼戒本

沙門元照述
戒法の書

全部一冊

十王讚嘆抄

此書ハ初七日より百箇日の死後の
懲罰のもとひきまとくらやくの如
きをとあるヤーとのう全冊二冊

彼岸辨疑

此書ハ一擧のひがんのことをくわく
あらざりものなり 全冊二冊

靈魂得脫物語

此書ハ享保のころ京師小松便益
に生れ靈魂つまひの如きは生

善惡因果經和訓

此書ハ從文とづくんで老翁男女
をよく有るさまも 全部一冊

皇都書林

知恩院古門前澤田吉左衛門

